

a1^v

SVMMA PRIVILEGII

CAESAREI

MAXIMILIANI Secundi Romanorum Imperatoris femp-
per Augufti Diplomate cautum eft, Theodofio Rihelio Calco-
grapho Argentinenfi, ne quis in vniuerfo Romano Imperio poft
hac, nifi ipfius Theodofij Rihelij, aut eius hæredum permiffu, Flauium Iofé
phum Germanice excudat, aut imprimi curet, ante octo exactos annos ab
hac impreffione numerandos, velea, quæ alibi excufa fuerint, intra fines Im-
perij vendere feu diftrahere quouis modo aufit. Sub amiffione omnium
librorum fic excuforum, & mulcta octo Marcharum auri puri Imperatorio
Fifco, & ipfi Rihelio vel hæredibus à transgrefforibus & huius Priuilegij
violatoribus exæquo luenda. Datum in Arce Regia Pragæ, vigefimafecun-
da die Menfis Martij. Anno M. D. LXXI.

Maximilianus.

Vice ac nomine Reverendi Domini

Archi Cancellarij Moguntini

Ad Mandatum Sacræ Cæfareæ Maieltatis proprium.

V. 10. Bap. Weber D.

M. Gerftman. ß.

ta.

R LB. Argent. ß.

SVMMA PRIVILEGII ELECTO-

RIS SAXONIAE.

AVGVSTI Electoris, Saxoniae Ducis diplomate cautum eft, Theodofio Rihelio Chal-
cographo Argentinenfi, ne quis in vniuerfis ditionibus, ipfi Electori fubiectis ac here-
ditate rarioneque tutelæ adeum pertinentibus, poft hac nifi ipfius Theodofij Rihe-
lij, aut eius hæredum permiffu, Flauium Iofephum Germanicè excudat, aut imprimi cu-
ret, ante decem exactos annos à Dato huius Priuilegij numerandos, vel ea, quæ alibi excufa
fint aut fuerint, intra fines omnium ditionum ad Electorem dicto modo pertinentium,
vendere, aut diftrahere quouis modo aufit. Sub amiffione omnium librorum fic excu-
forum, & mulcta Quingentorum Talerorum Electoris Fifco, & ipfi Rihelio vel eius hæ-
redibus à tranfgrefforibus & huius Priuilegij violatoribus ex æquo luenda. Datum Dref-
dæ, nona die Menfis Martij. Anno M. D. LXXIII.

Auguftus Churfürft.

a2^r

Dem Durchleuchtigen Hochgebor=
 nen Fürften vnnd Herrn / Herren Friderich Grauen
 zu Wirtenberg/ Mümpelgard vnd Horburg/ ꝛc.
 meinem gnädigen Herren.
 GOttes gnad durch vnfern eynigen Hey=
 land Chriftum Jefum/ laßt wünfchung aller wolfahrt
 zu Leib vñ Seel/ auch vntherhåniger erbietung meines
 Dienfts zuuor/ Durchleuchtiger Hochgeborner Fürft/
 gnädiger Herr/ Neben ftåter übung der heyligen Gótt=
 lichen Schrifft/ die billich als eyn Regel alles vnfers
 Glaubens/ thuens vñ laffens/ den vorzug haben fol/ ift
 meines erachtens kaum eyn luftiger notwendiger vnnd
 nützliger arbeyt/ denn vil vnnd gern in Hiftorien lesen. Dann dadurch erfahret
 man nicht alleyn/ was fich vor vilen jaren in der Kirchen Gottes / im Burger=
 lichen Regiment/ vnd vnther befondern Perfonen zugetragen habe/ als ob mans
 noch heutiges tags mit großer kurtzweil vor augen fehe / fonder lernet auch dar=
 auß, wie man fich künfttig in dergleichen fällen zu jeder zeit/ vnd gegen mánning=
 lich halten folle/ damit man entweder an fremdem Schaden/ nach dem gemeynen
 Sprichwort witzig werden/ vnd gegenwärtigen vnfall vermeiden / oder aber den
 begerten wolftand durch zeitige vorfichtigkeyt erreychen möge / welches eyn groß=
 fer vortheyl in dem Menfchlichen leben ift.

Es ift auch nicht vergeblich vnd vmb fonft gefchehen / daß Gott fo vil herrli=
 cher vnd nützlicher Hiftorien/ in mancherley Kriegsláufften / Fewers vnd Waf=
 fers not/für welcher nichts ficher bleibet/ von anbegin der Welt her / biß auff vn=
 fere gegenwärtige zeit vor endlichem vntergang gnädiglich erhalten hat. Dann
 ob wol nicht alle Hiftorifche Bücher/ fo zu jeder zeit/ von allen Monarchien/ in
 mancherley Sprachen / befchriben worden / auff vns vnd vnfer Vorfahren kom=
 men/ fo feind doch durch gnädige fchickung Gottes/ derfelbigen auff den heutigen
 tag noch fo vil vorhande/ daß man wol auß vnferfchiedliche Gefchichtfchreibern
 eyn gantze vnnd vollkommene Hiftorj/ von anfang der Welt biß auff diße vnfer
 zeit haben mag. Es wil auch Gott/ daß man diefelbigen lesen / vnd darauß bey=
 des feiner wunderbarlichen Regierung vnd Haußhaltung wahrnehmen/ vnd
 fichdurch die vilfältige Exempel der ftraff oder belohnung zu wahrer Gottfelig=
 keyt gewöhnen foll/ wie der beuehl Got es außtrucklich ftehet/ Deut. 32. Geden=
 cke der vorigen zeit/ biß daher/ vnd betrachte was Got/ gethan habe / an den alten
 Våttern/ Frage deinen Vatter der wird dirs verkündigen / deine Eltften/ die
 werden dirs fagen.

Fürnemlich aber bringet es Fürften vnd Regenten für jhre Perfon groß lob
 vnd ehr/auch jhren Landen vnd Leuthen mårcklichen nutzen vnd frommen/ woh
 fie fich der Hiftorien fleißig annemen vnd gebrauchen. Dann dieweil fie jhren

a ij

a2^v

Vorrede.

Vnderthanen fürgefetzt feind/ vnnd gleich wie die Wächter auff den hohen Warten für jhre Landſchafften / vnd alle befondere Perſonen die Wacht halten / vnnd ſorg tragen müſſen/ bedörffen ſie zweiuels ohn/ auch neben vil andern Tugenden höhers Verftands vnd mehrer vorſichtigkeyt/ welche gewißlich niergend her beffer vnd leichtlicher zu wegen gebracht wird/ denn auß fleißigen vnd warhafftigen Hiſtorien/ welche nichts anders feind/ deñ eyn liebliche abcontrofeyung vnd Gemäld der Kirchen Gottes / des Weltlichen Regiments / vnd gemeyner Haußhaltung/ ja eyn täglicher Spiegel aller menſchlichen zufäll/ wie feltzam ſich auch dieſelbigen zutragen mögen. Dann gleich wie man auff eynem Theatro oder Schawplatz in eyner Comedia oder Tragedia durch gewiſſe Perſonen vnd Gebarden/ hohe wichtige Sachen fürbildet / vnnd gleichfam augenfcheinlich darſtellet: Alfo wird auch der Menſchen Leben/ Handel vnd Wandel/ durch mancherlen Exempel vnd Beiſpil dermaſſen beſchriben / daß ſich jedermañ darbei feines Stands vñ Beruffs erinnern vnd lernen mag/ was jhm wol oder vbel anſtehe. Es iſt zwar an jhm ſelbs nit alleyn ſehr kurtzweilig/ fonder auch faſt nutzlich/vil Stätte vnd Länder durchreyſen/ der Welt Lauff auß täglichen Exempeln wahrnehmen/ alle ding augenfcheinlich beſichtigen/ vnd in eygener Perſon erfahren: Doch iſt es nicht jedermañs ding vnd gelegenheit/ gebüret auch Amts/ Gefchafft/ vnd kurtze des Menſchlichen Lebens / Armut vnd anderer vrfachen halben/ nicht jedem ſo vil zeit vnnd weil / daß er alles allenthalben gegenwärtig beſchawen vnd erfahren möge. Zu dem/ daß es manchem fein Leib vnd Leben/ vnd fonderlich Fürtliche Perſonen/Land vnd Leuth koſtet / eher man den luft büffet / vnd eynigen nutz von der angewendten mühe / arbeyt vnd vnkoſten erlanget. In Hiſtorien aber erlernet man ſolches alles in der nähe leichtlicher vnnd in kurtzer zeit/ darzu mit minder gefahr/ mühe vnd ſchaden/ Jch wil jetzund geſchweigen/ daß die erfahrung nichts/ oder ja gar wenig nutz iſt/ woh man nicht darneben/ vñ zufforderft in Hiſtorien auch beſehen vnd geübet iſt/ Auch das Judicium zuuor informiert/ vñ der Verftand dahin gewöhnet iſt/ alles was vorgehet / wahrzunehmen/ vnd ſich vnnd andere dauon zubeffern. Dann ſonſt gehet es gemeynlich wie man ſagt: Coelum non animum mutant, qui trans mare currunt: Eyn Gans vber Rhein/ eyn Gans wider herüber. Was kan denn nuh wol luftiger vnd fürträglicher fein/ denn in eyner lieblichen vnd ordenlichen Beſchreibung/ gleichfam als in eynem Spiegel alle Religions ſachen / Kriegshändel vnd gemeyne zufäll für augen ſehen/ vnnd das bei ruhigem leben in kurtzer zeit/ vnnd in der trnckene / ohne beſchwerde / aber mit groffer kurtzweil / in erfahrung bringen/ was andere kaum durch lange beſchwerliche vnd gefährliche Reyſen haben erreychen mögen. Es feind auch die Hiſtorien vnd Gefchichtbücher zu jeder zeit vmb diſer vrfachen willen bei Königen vnd Fürften / bei Prieſtern vnd Propheten/ auch allerley Obrigkeyten vnd Lehrern/ in hohem werd gewefen / fleißig beſchriben / vnd mit groſſem nutz geſehen worden. Das Buch Eſther bezeuget/ daß der König Ahafuerus keyn beſſere kurtzweil oder Artzney wider die ſchwermütigkeyt gewußt habe/ denn Chronicken vnnd Hiſtorien/ dieſelbigen hat er jhm auch für die zufällige traurige gedanken/ die jhm des Nachts den Schlaff gebrochen/ fürlefen

a3^r

Vorrede.

fen laffen/ vnd ist dadurch zur danckbarkeyt gegen Mardocheo / dem der Galge schon allbereyt von dem arglistigen Haman auff den Morgen tag zugerüft war/ noch dieselbige Nacht verurfachet vnd getriben / der fromme Mardocheus aber bei leben erhalten worden. Wohes nuh dem König Ahafuero damals an Historien vnd Chronicken gemangelt hette / würde er fonder zweuel Haman zu feinem mörderlichen anschlag willfahret/ vnſchuldig Blut vergoffen/ vnnd feinem Königreich eynen ewigen ſchandflecken angehencket haben. So liſet man deß= gleichen in Weltlichen vnd Kirchenhistorien/ daß Am̄tspersonen ſelten eyn ſtattliche Red vnd vermahnung an jhre angehörige gethan haben / die ſie nicht mit etlichen fürtrefflichen Exempeln auß alten Geſchichten gepicket vnnd herauß geſtrichẽ habẽ/ Dauon ich hie deß kürztzer meldung thue/ dieweil diſes gantze Buch derſelbigen voll iſt. Darauß denn zuſehen/ daß ſie nicht alleyn die vorigen Hiſtorien gewußt vnd auffgeſchriben/ ſondern dieſelbigen auch lieb gehabt / vnd fleißig geſehen haben.

Wiewol nuh allerley Hiſtorien vnd Geſchicht mit nutz vnd luſt mögen geſehen werden/ ſo haltet ſich doch eyn m̄rcklicher vnterſcheyd vnter den Geſchichtſchreibern / vnd vbertrifft je eyner den andern mit wolredenheyt / ordnung / wahrheyt/ vnd anmut der beſchriebenen H̄ndel. Derhalben auch billich die beſten vnd fürtrefflichſten zum erſten/ vnd vor allen andern an die Hand genommen werden ſollen. Vnd iſt nach meinem geringen Verſtand fonder zweuel / vnſer Joſephus in diſem fall vilen andern Hiſtorichreibern auß volgendẽ vrfachen vor zuziehen vnd hoch zupreifen.

Dann erſtlich erzehlet er nicht alleyn obenhin / nach anderer alten Griechiſchen vnnd Latiniſchen Scribenten gewohnheyt / der Abgöttiſchen Syrer/ Egypter/ Moabiter/ Römer/ Frantzolen/ Teutiſchen / vñ vilen anderer Vngläubigen Vöcker Götzendienſt/ vnd verloffene H̄ndel / die auch jhren nutz vnd brauch haben/ ſonder beſchreibet fürnemlich vnd eben die Religions Sachen / die ſich in der Kirchen Gottes / vnnd vnter dem Jüdiſchen Volck zugetragen haben/ welchem ſich Gott auß ſonderlichen gnaden geoffenbaret / nach dem fall vnſerer erſten Eltern/ die verheyffung von dem zukünftigen Meſſia vnnd Heyland des gantzen Menſchlichen Geſchlächts gegeben / ſie auch mit Geſetzten / Tempel / Gottesdienſt/ ꝛc. gefaſſet/ vnd mit beſondern Priuilegien vnnd Freyheyten vor allen andern Vöckern auff Erden begabet hat. Er gedencket auch nicht alleyn der Abergläubigen Heyden Ceremonien/ Sitten vnd Policej / ſondern handelt eygenlich vnder vralten reynen vnnd heylſamen Lehr des Volcks Gottes im alten Teſtament/ die entweder den Heydniſchen Scribenten gantz vnbeußt / oder je ärgerlich gewefen ſeind/ Als nemlich / von erſchöpfung Himmels vnd der Erden / vnd aller anderer Creaturen / von dem erſchröcklichen fall vnſerer erſten Eltern/ von Sünden krafft vnd würckung/ von Gottes zorn vnnd ſtraff wider die Vberreter/ von dem eufferlichen vnd jinnerlichen Gottesdienſt/ von erhaltung vnnd änderung der Weltlichen Policej / vom Eheſtand vnnd Haußhaltung/ von vnſterbligkeyt der Seelen/ von Aufferſtehung der Todten vom ewigen Leben / vnd vilen andern Geheymniſſen vnd hohen Artickeln des Glaubens/ die alle Welt=

a3^v

Vorrede.

liche Vernunft vbertreffen / vnnd derhalben alleyn der Kirchen Gottes/ durch
fonderliche offenbarung bekant/ üblich vnd tröftlich feind.

Des Chriftenthums zwar gedencket er als eyn Jud / nicht fo oft / auch nit
fo löblich/ als des Judenthums/ doch tringet jhn fein eygen Gewiffen/ vnnd die
beständige warheytt / daß er vnferm Heyland / Erlöfer vnnd Seligmacher Jezu
Christo/ seiner Lehr/ Wunderwerck/ Leidens/ Sterbens vñ aufferftechung/ Auch
seiner Jünger vnd Nachuolger halben / zeugniß geben muß. Dann von Christo
fagt er lib. 18. Cap. 4. der Altengelchicht(wie auch Hieronymus in Catalogo Ecclesia-
sticorum Scriptorum. Egefipp. lib. 2. cap. 12. vnd Suidas im wort Jofephus / anzie-
hen vnnd sprechen:) Zu derfelbigen zeit hat Jezu gelebt/eyn weiser Mann/ift er
anders eyn Mann zu nennen / Dann er that groffe Wunderzeychen / lehret die
Menschchen/ fo die Warheytt mit luft annamen/ vnd hatte vil Juden vnd Griechen
zu Jüngern vnnd Nachuolgern. Difer war Christus / vnnd wiewol jhn
Pilatus auff vnferer Oberften klag zum Creutz verurtheylet / haben jhn doch die
jehningen/ fo jhn anfänglich geliebet/ nicht verlassen. Dann er ist jhnen am dritten
tag wider lebendig erfchinen / wie denn die heyligen Propheten beydes difes vnd
anders mehr lang zuuor von jhm geweiffaget habē. Es wären auch die Chriften
fo den Namen von jhm bekommen/ noch auff den heutigen tag. Von Johanne
dem Täuffer vñ vorläuffer Chrifti/ von seiner Lehr vñ Tauff/ fagt er lib. 18. cap. 7.
der Altengelchicht. Es feie eyn frommer Mañ gewesen/ hab die Juden gelehret/
daß sie nach der Tugend ftreben/ die frommkeytt vnd gerechtigkeit lieben/ vnnd sich
durch den Tauff mit eynander vereynigen solten. Dann der Tauff sei Gott an-
genem/ der nicht alleyn zur abwäschung der Sünden empfangen / fonder auch
zur heyligung des Leibs/ reynigung der Seelen/ vnd gleichsam zum Zeychen vñ
verwarung aller Tugend gebraucht wird. Durch dife Lehr habe er jhm eynen
groffen zulauff vnd anhang gemacht. Nach dem jhn aber Herodes zu Mache-
runta enthauptet/ feie fein gantzes Heer bald darauff zu grund gangen/ vnd also
Johannis vnſchuldiger tod / nach viler Juden meynung an Herode gerochen
worden. Das heylt ja Christum / fein Lehr/ Jünger / Tauff/ vnd den gantzem
Christlichen Glauben hoch gnug gerühmet. Dann ob wol Egefippus meynet /
Jofephus hab selber nicht geglaubet / was er geschriben / fo genüget vns doch an
der warheytt/ die Jofephus seinem verheiffen nach/vnuerholen schreibet vnnd be-
kennet. Ob er sie nuh angenommen habe oder nicht/ daran ist vns fo vil nicht ge-
legen. Es ist auch nichts neues/ daß Gott die warheytt durch Bileam/ Caipham
vnd die Jüdische Synagog/ wiewol ohn jhr willen vnnd willen bezeuget. Ja es
hat solch zeugniß/ daß auß des Feindes Mund kommet/ deß mehr ansehens vnd
glaubens. Wie sich deñ jetziger zeit Juden/ die etwas erfahriß von solchen Bü-
chern haben/ häfftig darab rümpffen vnd krümmen / wann man jhnen difen Jo-
sephum vnter die Nasen stoffet.

Zum andern hat Jofephus hierinn / weder seinem eygenen Traum/ noch
sonft eynem vngewiffen Heydnischen Scribenten nach geuolget / fonder die
zwenzig Bücher von den alten Jüdischen Geschichten / vnnd den mehrertheyl
seiner Historien/ auß Heyliger vnd vngezweuelter Bibliischer Schrift des alten
Testaments

a4^r

Vorrede.

Teftaments zufammen gelesfen/ vnd in eyn richtige ordnung geftellet/ vnd die Hiftorifche Bücher in eyn gewiffe Jarrechnung gebracht/ die auch dem fleißigen Lefer zu richtigerm verftand des Biblifchen Texts/ vnd in vilen andern Gefchicht= fchreibern dienen mag. Der heyligen Propheten weitläufftige Propheceien hat er zwar feinem Werck nicht von wort zu wort einuerleibet / aber doch darneben gemeldet / zu welcher zeit fie gelebet / vnd alfo auff jhre eygene Schrifften in der Bibel zuruck gewifen. Was auch fonft für Kirchenfatzungen vnd Weltliche Recht in dem Andern/ Tritten/ Vierden vnnd Fünfften Buch Moyfis der länge nach hin vnd wider gelesfen werden/ die fallet er allefampt kurtz zufammen / vnd in gewiffe Titel / vnnd gleichfam in eyn richtige Harmoniam. Durch welchen eynheligen Confens der fleißige Lefer nicht alleyn in der rechten Lehr vnd alten Religion/ fo vil deß mehr geftärcket wird / fondern bekoimt auch durch difen fleiß Jofephi gute anleytung/ den Biblifchen Text mit befferm verftand zulesfen/ fonderlich dieweil er vil tunckele ort in Moyfe erkläret / vnnd deßhalben von Chryfoftomo eyn Paraphrafes vnd Außleger des alten Teftaments genennet wird. Daher er auch von den alten Scribenten vnd Lehrern fo hoch gehalten worden ift/ daß fie fich feiner zeugniß wider die Jüdifche jrrthum vnd halßftarrigkeit gebraucht vnd geführet haben. Dann dieweil je die hartnäckigen Juden / die Bücher des neuen Teftaments zu jhrer befferung nicht annehmen/ vnd vns Chriften darzu fchuld gebē / als legten wir die Schrifften des alten Teftaments auß vnwiffenheyte der Hebraifchen Sprach nit recht auß/ kan man jhnen mit nichts beffer/ denn mit jhres eygenen Priefters vnd Scribenten Jofephj Außlegung begegnen. Daher auch Egefippus im 12. Cap. des 2. Buchs die Gottheit Chrifti / vnd die vnſchuld feines Leidens/ auß dem 8. Cap. des 18. Buchs der Altengelchicht beweifet/ vnd vn= ter anderm fagt: So die Juden vns nit glauben wöllen / fo müffen fie doch jhrem eygenen Scribenten glauben. Das feind Jofephj wort/ den fie für etwas befonders halten / ꝛc. Alfo zeucht auch Origenes vnd andere alte Lehrer/ Jofephum wider die Juden an.

Was denn die fiben Bücher vom Jüdifchen Krieg / vnd endliche zerftörung der Statt Jerufalē belanget/ hat er diefelbigen nicht allererft auß anderer Leuth relation vnnd anbringen/sonder auß gewiffer erfahrung befchriben / vnnd auffs Papeir gebracht. Dann er demfelbigen Krieg nicht alleyn von anfang biß zum end beigewohnet/ fonder ift auch felber eyn fürnemer Rathgeber vnnd Oberfter dariñ gewesen / hat die Red in eygner Perſon gethan/ vil Scharmützel / Schlacht vnnd Stürm außgefanden/ biß er endlich von den Römern darüber gefangen worden/ vnnd doch gleichwol/ wie vorhin auff der Juden feiten/ alfo hernach von der Römer wegen alles gegenwärtig geredet vnd gehandelt. Daher er auch diſe gantze Hiftorj/ wie leichtlich zu gedencken/ fo vil deß eygenlicher vnd warhaftiger hat ftellen vnnd Schriftlich verfaſſen können / Soll auch billich deßhalben von vns deß glaubwürdiger gehalten werden.

Zum tritten/findet man keynen Hiftoricum/ der fo vil jar in eyner ordenlichen vnnd jmerwährenden Hiftorien begreiffet / als eben diſer vnſer Jofephus / welcher die Jüdifche Gefchicht von anfang der Welt erholet/ vnd führet fie in richti=

a4^v

Vorrede.

ger ordnung von jar zu jar biß auff die zerftörung der Statt Jerufalem/ vnnd des gantzen Jüdifchen Lands/ vnnd biß auff das fünffte jar des Keyferthuñs Velpafianj/ das ift/ biß auff das 4 0 37. jar der Welt/ vnd nach Chrifti Geburt/ das 75. nach Functij Rechnung. Was fich nuh in folcher langen zeit fürnemlich mit den Juden vnd andern Völkern / fo mit den Juden zufchaffen gehabt / zuge= tragen hab/ das findet man alles in difem Jofepho vil ordenlicher vnd volkoñe= ner/als bei jergent eynem andern Gefchichtfchreiber. Ja wir müßten der Jüdi= fchen Kirchen Hiftoria/ von der Babylonifchen Gefângniß an / biß auff die zer= ftörung der Statt Jerufalem / welche gar nach 660. jar begreiffet/ anderer Ge= fchichtfchreiber halben gantz vnd gar entraubet fein. So hat er fich auch nicht al= leyn der Biblifchen Bücher/ vñ eygener erfahrung hiezu gebraucht/ fonder auch auß andern Hiftoricis/ die vor jhm von Jüdifchen händeln etwas gefchriben/ al= les was er zu feinem vorhaben dienftlich geacht/ gezogen / Als von der Archen Noe/ von Abrahams Gefchlächt/ vom Außzug der Kinder Jfrael auß Egy= pto/ꝛ. wie folches in den Büchern von alten Jüdifchen Gefchichten/ vnd fonder= lich wider Apionem Grammaticum leichtlich zusehen ift. Dann Jofephus ift nicht alleyn für fich felb eyn berühmter vnnd fürtrefflicher Hiftoriographus, fonder hat auch alle fürneme Hiftoricis die vor vnd zu feiner zeit gelebt vnd gefchriben / fleif= fig durchlefen / wie folches alles in der Hiftorj zufinden ift / vnnd er auch daher Polyhiftor, das ift/ eyn befeher vnnd erfahrner Mann genennet wird. Es fagt auch vmb dife vrfach willen Hieronymus in eynem Sendbrieff an Magnum eyne Römifchen Redner / Jofephus hat zwey Bücher von des Jüdifchē Volcks altem herkommen/ wider Apionem eynen Grammaticum, zu Alexandria gefchri= ben/ darinn er fo vil zeugniffen auß Weltlichen Scribenten einführet/ daß michs wunder nimt/ wie doch eyn Hebreer/ der von Kindheyt auff in Heyliger Schriftt geftudiert/ fo vil Griechifche Bücher vnd Libereien habe durchfuchen können. Zum vierden/ ift vnfer Jofephus nicht alleyn eyn gelehrter/ vnd in Hebrai= fcher vnd Griechifcher Sprach wolgeübter Mañ/ fonder auch mit fürtrefflicher wolredenheyt begabt/ damit ers vilen andern Gefchichtfchreibern zuuor thut. Dann zu dem/ daß feine Kunft von Capitel zu Capitel zusehen ift / fpüret man fonderlich feinen hohen Verftand vnd wolredenheyt auß den herrlichen vnnd ge= waltigen Orationen vnd vermahnungen/ die er hin vnnd wider in Moyfis / Jo= fue/ Dauids vnd anderer / auch in feinem felbs eygenen Namen einführet. Dañ das ich auß vilē nur eyn Exempel anziehe / könnte auch eyn Redner mit zierlichern worten/ vnd beweglichern Argumenten die Frag gehandelt vnd erörtert haben / ob jhm eyn Menfch felber den tod anthuen folte/ welches Eleazarus der Mörder Hauptmann/ vor auffgebung der Statt Masada/ im 7. Buch des 28. Cap. vom Jüdifchen Krieg / auß verzweuelung rathet / Vnfer Jofephus aber im 3. Buch des 25. Cap. häfftig widerfichtet. Vnd wann es möglic were / eynes Scribenten wort vnd meynung auß der vrfprünglichen Sprach / darinn er gefchriben / mit gleicher zierd vñ wolredenheyt/ in eyn andere Sprach zuuertolmetfchen / fo wür= de der Teutfche Leser folches vil beffer im Werck felber befinden/ denn ich dauon fchrewen kan. Hieronymus ad Euftochium Virginem, nennet jhn eben vmb dife vr= fach

a5^r

Vorrede.

fach willen den Griechifchen Liuium / Bezeuget auch fañt Eufebio Eccl. hift. lib. 3. cap. 9. & 10. vnd andern/ daß er nicht alleyn difer vnd anderer Tugenden halben / zum Oberften vber das Jüdifche Kriegsuoelck verordnet / fonder auch beiden Rö= mern (deren gefangener er war) in folchem hohen anfehen gewefen feie / daß fie jhm eyn Seul zu ehren auffgerichtet / feine Bücher in die gemeyne Liberej genom men / vnd für eynen befondern Schatz auff behalten haben. Es hat fie auch Ti= tus felber mit Keyferlichen Priuilegien begnadet / vnd hiemit jedermann zu lefen beuohlen. Philippus Bergomenfis lagt weiter/ Jofephus hab feinẽ Vornamen daß er Flauius heyffet/ von Flauio Vefpafiano / vnnd feinem Sohn Tito/fañt dem Burgerrecht zu Rom empfangen.

Letzlich vnd in eyner Summa daruon zureden / fo findet der fleißige vnnd guthertzige Lefer/ wes Stands vnnd Wirten der auch ift / in difem Jofepho al= lerley nützliche Lehr vnnd Exempel / die jhn in feinem Beruff vnterweifen/ zu der Tugend reyrtzen/ von Laltern abzziehen / für fchaden vnd gefahr warnen / vnnd zu feinem heyl vnd wolftand befürdern. Dann gleich wie in eynem fchönen luft vnd Wurtzgarten/ jedermann des Geruchs vnd gefchmacks Blumen vnd Früchten abbricht / die feiner Complexion vnd Natur am bequemlichften vnd anmütigften feind/ vnd fich damit erquicket vnd beluftiget. Also haben beyde Lehrer vnd Zuhõ= rer/ Obrigkeyten vnd Vnterthanen/ Eltern vnnd Kinder / Herren vnnd Diener / keynen Stand vnd Orden außgefchloffen / Lehr / Straff / Warnung / Vermah= nung/ Troft vnd Exempel gnug/ darnach fie fich in jhrem Stand vnd Beruff zu richten vnd zuhalten haben/ Dañ begeret jemann grund vnd zeugniß der wah= ren Religion vnd Lehr /wie diefelbige anfänglich von Gott felber im Paradeiß/ vnd durch die heyiligen Patriarchen vnd Propheten ift geprediget/ vnd angenom men worden/ der findet folches in Jofepho von Artickel zu Artickel/ vil better vnd richtiger/ als bei jergend eynem Scribentẽ/ alleyn die Bibel außgenomẽen/ welche das vnuerfälfchte Protocoll vnd rechte Original ift / des gantzen Gottesdienfts vnd aller Religions fachen.

Jft denn jemann in dem Weltlichen Regiment / vnnd begeret feinem Am̃t trewlich nachzufetzen/ der hat im Jofepho nicht alleyn nützliche Politifche Gefetz/ die der Natur gemäß feind / fonder auch vil Könige vnd Richter/vnter Juden vñ Heyden zum Exempel/ an welchem er / als in eynem Spiegel abfehen mag/was jhm in feiner Regierung wol oder vbel anftehe / was jhm ehr oder fchand/ nutz oder fchaden bringen möge.

Muß fich denn jemann zu Kriegen / Schlachten vnnd Stürmen gebrau= chen laffen/ der findet im Jofepho nicht alleyn Kriegs Recht vnnd Artickel / von Gott felbs den Kriegsleuthen fürgehalten / fonder auch befchreibung mancher= ley alter Kriegsrüftung/feltzames Sturmzeugs /gefchwinder anſchlåg/ wunder barlicher Rånck/ Reuter vñ Kriegsbößlin/ vnd zeitige Notwehr wider der Fein= de anlauff/ Gefchoß/ Sturm/vñ andere betrangungẽ/ die rechtſchaffene Kriegs leuth/ vñ fonderlich Beuehlshaber wiffen follen vñ müffen/ woh fie nit fich felbs / auch Land vnd Leuth in gefahr fetzen wöllen.

Hat denn jemann luft eyn wolgeordnete Haußhaltung anzurichten/ fich

felbs

a5^v

Vorrede.

felbs vnd die feinen zuwahrer Gottfeligkeit zu gewöhnen/ in frid vnd eyngkeyt mit jedermann zu leben/ vnd vil beschwerden Leibs vnd der Seel zuuorkommen/ dem gibt diſe Hiſtorj bericht gnug hieuo / vnd mag kaum etwas ſo feltzam für= fallen/ deſſen man nicht gleiche Exempel in Joſepho finde/ ꝛc.

Derhalben iſt vnnd bleibet diſer vnſer Joſephus wie eyn Schatzkammer/ darinn jedermann nach feiner gattung / Lehr vnd Exempel findet / darnach er fein leben deß Gottfeliger vnd weiſlicher anſtellē mag / vnd iſt auß erzehlten vrfachen wol werd/ daß er allen andern Scribenten vnd Geſchichtſchreibern fürgezogen/ vnd neben Heyliger Göttlicher Schrifft fleißig geleſen werde.

Damit aber der fleißige vnd guthertzige Leſer gemeldten Hiſtoricum ohn fonderliche mühe vnd hinderniß/ aber mit mehr luft vnd verſtand Leſen möchte / hab ich mich auff Theodoſij Rihelij/ Buchtruckers zu Straßburg/ meines gñftigen Herren vñ Freunds anhaltē befliffen/ eyn newes gebefferts Exemplar nach dem Griechiſchen vnd Lateiniſchen Text zuzurichten/ vnd nichts vnterlaſ= ſen/ was zur zierd vnd verbefferung diſes Trucks hat dienſtlich fein können.

Diſe meine Arbeyt aber/ Durchleuchtiger/ Hochgeborner Fürft/ Gnãdi= ger Herr/ laß ich vnſer E. F. G. Namen/ Schutz vnnd Schirm außgehen/ Auff daß ich erſtlich eyn anzeygung gebe meines wñſchens vnd hertzlichen verlan= gens/ das ich ſamt andern Wirtenbergiſchen Kirchendienern vnd Vnterthanen diſer Landen/ nach E. F. G. angehendem Regiment hab / daran mich diſe Ver= lion vnd arbeyt ohn vnſer laß/ ſo lang ich damit vmbgangen bin/ gemahnet vnnd verurfachet hat/ für E. F. G. gefundheyt/ langes Leben vñ Regiment/ Gott flei= ſig anzuruffen/ ja mich dermalen beluſtiget/ daß mich offtermals gedaucht/ ich ſehe E. F. G. ſchon allbereyt nit alleyn in glückfeliger Regierung/ fonder auch in den löbliche Fußſtapffen / weiland des Durchleuchtigē/ Hochgebornen E. F. G. Herren Vatters/ vnd ſo vil fürtrefflicher Fürſten vñ Herren / ſo in diſem Joſepho beſchriben werden. Solche begird vnd hoffnung / wird auch in mir/ vnnd andern meinen Mitbrüdern täglich ſo vil deß mehr erwecket vnnd geſtärcket / dieweil wir mit groffen freuden vernemmen / das E. F. G. eyn fonderlicher Liebhaber Got= tes worts/ vnd des Kirchendiens ſeyen/ die Predigen vnd Lectiones Theologicas, neben andern übungen in freien Künſten vnd Sprachen / fleißig beſuchen / vnnd zum zeugniß der fonderlichen lieb vnnd zuneuygung/ ſo E. F. G. zu gemeynen Studijs vnd alle Tugenden tragen/ ſich auff vnſerthänig erſuchen des Rectorats der löblichen Vniuerſitet Tübingen / vnſerfangen / daſelbig auch mit groſſem an ſehen/ vnnd Fürftlicher tapfferkeyt verwalten / welche Ehr wir der Kirchen vnnd Schul zu Tübingen/ ſo vil deß weniger mißgönnen / dieweil wir nach jhnen die nächſten ſeynd/ die folcher Fürftlichen Tugenden in kurtzer zeit hoffen zugeſieffen. Dann ſo das Land wolſtethet / deſſen König rechtſchaffen / oder wie es andere teutiſchen/ eyn Sohn der Weiſen vnd Edlen iſt/ vnd es da allererſt ordenlich zu= gehet/ woh eyn verſtändige Oberkeyt iſt / die forcht Gottes aber der Weiſheit anfang iſt/ So hat ſich ja auch die Herrſchafft Reichenweiler / neben Wirten= berg/ Mümpelgard vnd Horburg / auß oberzehlten vrfachen auff E. F. G. Re= gierung höchlich zu vertröſten vnd zu erfrewen.

zum

a6^r

Vorrede.

Zum andern/ hab E. F. G. ich difen newzugerichten Teutfchen Iosephum verehren wöllen/ damit ich mich doch auch dermalen eyns für den gnädigē schutz vnd schirm/ auch andere vilfältige gutthaten/ die ich samt den meinen/ vnter E. F. G. Namen vnnd Vormundschafft/ nuh zehen gantzer jarlang allhie in meinem beuohlenen Pfarrambt/ vnnd täglichem haußhalten / reichlich empfangen hab / danckbar erzeygete. Dañ wiewol dife meine arbeyt / wie schwer vnd fawer sie mir auch worden/ vil zu schlecht vnd gering ist / dieselbigen wolthaten nach der gebür zu vergelten/ so hab ich doch nit follen noch wöllē vnterlassen/ E. F. G. neben meinem trewen Pfarrdienft / vnnd embfigem Gebett / auch die aller geringfte Prob meines danckbaren Hertzens vnnd Gemüts zuthuen / dieweil es je vmb vns die Kirchendiener also geschaffen sein wil / daß wir vnser Fürften vnd Oberkeyten / entweder Armut oder Amts halben / mit nichts beßers/ deñ mit nutzlichen Büchern vnd Hiftorien verehren können noch follen. Es trägt eyn jedes Land vnnd Feld sein gattung von Früchten/ Ich gibs auch so gut/ als ichs hab / vnnd wil lieber etwas/ denn gar nichts thuen/ verhoffe auch E. F. G. werden mehr das Gemüt des Gebers/ denn die kleyne Gab an jhr selber ansehen.

Zum tritten / ob mir deñ wol bewußt ist / vnd ich mich dessen sambt meinen lieben Mitbrüdern zum höchten getröste / daß E. F. G. der Sprachen selber gnuugsam erfahren seind/ vnd jhre löbliche Studia allbereyt so weit erfreckt vñ außgeföhret haben/ daß sie weder meiner / noch eynes andern Tollmetzung bedörffen/ fonder für sich selbs/ folche vnd dergleichen Hiftorien / fruchtbarlich lesen vnd verftehen können / so zueielt mir doch nicht/ dife meine Verion vnd arbeyt/ die vnter E. F. G. Namen vnd schirm außgehet/ werde derfelben Vnterthanen / vnd allen Teutfchen/ welchen des Fürftlichen Haußes Wirtenberg Namen vnd gedächtniß an dem ist/ so vil deß lieber vnd anmütiger sein/ fürnemlich / so E. F. G. sich diser meiner Translation nit beschâmen / fonder derfelbigen Namen mit gutem willen tragen lassen wird.

Auß difen vnnd andern vrfachen / die ohn not seind hie zu erzehlen / hab E. F. G. als meiner gnädigen Oberkeyt / ich für andern frembden Herrschafften in vnterthänigkeyt dife meine Translation dedizieren vnd zuschreiben wöllen / der tröstlichen hoffnung vnd zuuerficht/ E. F. G. werden folche meine wolmeynung vñ arbeyt in gnaden verftehen/ vnd zum besten auffnehmen. Thue hiemit in E. F. G. schutz vnd schirm mich vnterthäniglich beuehlen / vnd bitte demnach den Vatter aller Gnaden/vñ den Herrn aller Heerscharen/ er wölle E. F. G. langwrigere gesundheyt vñ glückliche Regierung verleihen/ihm selbs zu Lob vnd Ehren / zu befürderung seines Worts vnd Reichs/ gemeyner Landtschafft zu zeitlicher vñ ewiger wolfarth/ Endlich auch E. F. G. zum ruhm vnd gutem zeugniß am tag der Zukunfft vnfers Herrn vnnd Heylands Jezu Chrifti. Amen. Geben zu Hunawiler den 18. tag Martij/ Im jar 1574.

E. F. G.

Vnterthäniger

Conrad Lautenbach.